

KÒD KONDUIT POU RESPONSAB LEGAL MOUN KI GEN BEZWEN ESPESYAL

Revize 21 janvye 2016

Entwodiksyon

Kòd Konduit la, jan sa endike nan Kòd Konduit la sèlman, endike yon estrikti ki la pou ede anplwaye ki konsène pou ede moun ki gen bezwen espesyal yo "viv lavi yo yon fason endepandan ak serye nan kominote yo, san abi ak neglijan, epi ki pwoteje kont danje," anplis sèten konsèy règleman ak fòmasyon ajans lan bay.

Menm jan to, Avi pou Moun ki Gen Obligasyon pou Rapòte gen konsèy ki la pou ede moun ki gen obligasyon pou rapòte, epi li la pou bay yon rezime sou obligasyon pou rapòte pou moun ki gen obligasyon pou rapòte. Li pa la pou ogmante oswa ajoute nan okenn fason sou obligasyon pou rapòte ki endike nan lalwa, règ, oswa règleman.

Jan sa endike nan lalwa, règ, oswa règleman, se sèl responsab legal ki gen oswa ki pral gen kontak regilye oswa dirèk avèk moun frajil k ap resevwa sèvis oswa sipò nan sant yo oswa nan menm founisè ki pwoteje anba *Lwa sou Sant Lajistis (Justice Center Act)* dwe siyen yo te li ak konprann Kòd Konduit la.

Estrikti a bay:

1. Apwòch ki Konsantre sou Moun

Responsablite prensipal mwen se pou moun k ap resevwa sipò ak sèvis nan òganizasyon sa a. Mwen rekonèt chak moun ki gen yon laj apwopriye dwe jwenn opòtinite pou oryante lavi li, jwenn lonè, kote li annamoni avèk règleman ajans lan, dwa pou pran risk nan yon manyè pwoteje, epi rekonèt posiblite chak moun pou aprann ak grandi pandan tout lavi yo. Mwen rekonèt djòb mwen ap egzije pou mwen fleksib, dinamik ak angaje. Kèlkeswa lè li annamoni avèk règleman ajans lan, m ap travay pou sipòte tout sa moun nan pito ak tout sa ki entereze li.

2. Sante Fizik, Emosyonèl ak Pèsonèl

M ap ankouraje sante fizik, emosyonèl ak pèsonèl nenpòt moun k ap resevwa sèvis ak sipò nan òganizasyon sa a, tankou pou pwoteje moun yo kont abi ak neglijan, epitou pou redui risk pou yo fè tèt yo ak lòt moun mal.

3. Respè, Diyite ak Chwa

N ap respekte diyite ak pèsonalite nenpòt moun k ap resevwa sèvis ak sipò nan òganizasyon sa a, epi m ap respekte tout sa moun nan chwazi ak pito kèlkeswa lè li annamoni avèk règleman ajans lan. M ap ede moun k ap resevwa sipò ak sèvis yo itilize opòtinite ak resous ki disponib pou yo tout nan kominote a, kèlkeswa lè li annamoni avèk règleman ajans lan.

4. Oto-Detèminasyon

M ap ede moun k ap resevwa sipò ak sèvis yo egzèse dwa yo epi pran responsablite yo, epitou, jan li annamoni avèk règleman ajans lan, m ap ede yo pran desizyon ki baze sou enfòmasyon, epi m ap ede yo konprann chwa ki asosye avèk sante fizik yo ak sante emosyonèl yo.

5. Relasyon

M ap ede moun k ap resevwa sèvis ak sipò nan òganizasyon sa a toujou genyen oswa devlope yon relasyon ki bon pou sante yo avèk fanmi yo ak zanmi yo. M ap sipòte yo lè y ap fè chwa ki baze sou enfòmasyon konsènan ekspresyon seksyalite yo san pwoblèm ak tout lòt sa yo pito, kèlkeswa lè li annamoni avèk règleman ajans lan.

6. Defans

M ap defann yo pou jistis, enklizyon ak patisipasyon nan kominote a avèk, oswa sou non, nenpòt moun k ap resevwa sèvis ak sipò nan òganizasyon sa a, jan li annamoni avèk règleman ajans lan. M ap ankouraje jistis, onètete ak egalite, ak respè pou dwa moun, dwa sivil ak dwa legal.

7. Enfòmasyon Pèsonèl sou Sante Konfidansyalite Enfòmasyon yo

Mwen rekonèt moun k ap resevwa sèvis nan òganizasyon mwen an gen dwa pou enfòmasyon prive ak sekre enfòmasyon anrapò avèk enfòmasyon sou sante pèsonèl yo, epi m ap pwoteje enfòmasyon sa yo kont itilizasyon oswa divilgasyon ki pa otorize, sof jan lalwa, règ, oswa règleman egzije oswa otorize sa.

8. Non-Diskriminasyon

Mwen p ap pratike diskriminasyon kont moun k ap resevwa sèvis ak sipò oswa kont kamarad mwen yo akòz ras, relijyon, peyi kote yo sòti, si yo se gason oswa fanm, laj yo, preferans seksyèl yo, sitiasyon ekonomik yo oswa andikap yo.

9. Onètete, Responsablite ak Konpetans Pwofesyonèl

M ap bay jarèt pou valè òganizasyon sa a lè sa pa menase sante nenpòt moun k ap resevwa sèvis ak sipò. M ap toujou gen ladrès ak konpetans nan fòmasyon kontini, tankou tout fòmasyon òganizasyon sa a bay. M ap toujou chèche konsèy ak oryantasyon lòt moun kèlkeswa lè mwen pa byen konnen yon pwosesis aksyon ki apwopriye. Mwen p ap prezante fo kalifikasyon oswa afilyasyon pwofesyonèl. M ap montre yon konpòtman modèl pou tout moun, ak pou moun k ap resevwa sèvis ak sipò yo.

10. Egzijans pou Rapòte

Antan yon moun ki gen obligasyon pou rapòte, mwen rekonèt mwen gen obligasyon legal anba Lwa sou Sèvis Sosyal (Social Services Law) § 491, jan sa ka amande tanzantan oswa sispann, pou mwen rapòte tout akizasyon ensidan ki dwe rapòte, imedyatman lè mwen remake yo, ba Rejis Santral Moun Frajl Sant Jistis la depi mwen rele nimewo 1-855-373-2122.

KÒD KONDUIT¹ POU RESPONSAB LEGAL MOUN KI GEN BEZWEN ESPESYAL

Mwen pwomèt pou pa fè abi, neglijan, oswa domaj sou nenpòt moun ki gen bezwen espesyal, dapre règleman ajans lan. Answit, nan limit mwen gen obligasyon pou rapòte abi, neglijan oswa mal sou nenpòt moun ki gen bezwen espesyal dapre lalwa, règ, oswa règleman, mwen dakò pou respekte lalwa, règ, oswa règleman. Si mwen vin konnen, oswa si mwen temwen nenpòt ensidan abi, neglijan oswa mal yo fè sou nenpòt moun ki gen bezwen espesyal, m ap bay èd mwen imedyatman, m ap fè anplwaye ijans yo konnen sa a, tankou m ap rele 9-1-1, epitou m ap fè direksyon òganizasyon sa a konnen sa, dapre règleman ajans lan.

Mwen rekonèt mwen te li tout sa ki nan Kòd Konduit la, epitou mwen konprann li.

Siyati

Ekri Non Ou an Lèt Detache

Dat la

Pwogram:

Depatman:

Sant/Òganizasyon Founisè a:

¹ Okenn apse nan Kòd Konduit sa a pa la nan okenn fason pou deranje, abreje, oswa anpyete sou dwa *Lwa Taylor (Taylor Law)* bay.